




Von Vermu?ge[n] des Ablas: wider Bru?der Franciscus Seyler Barfusser ord?[n]s


<https://hdl.handle.net/1874/425366>

fle



Von vermügendes Ab
 las: wider Bruder
 Franciscus Seyler Bar
 fasser ordens Anders
 Carolstatt Do
 ctor. ꝛc.





Handwritten text, likely bleed-through from the reverse side of the page. The text is mirrored and difficult to decipher due to fading and bleed-through. It appears to be a title or a short passage of text.

Allen vnd ygklichen. die dis brieß

lin/sehē oder hörē lesen/ Embiet ich Andres Bo
tenstein von Carolstatt meinen dienst.

S seind zwen brüder Barfüßer Ordens/
nemlich Brüder Franciscus Seiler / der
sich einen vnuerdienten Gardian / in dem
scheinbarlichē closter / auff sant Anneberg
schreibt / vnd Johan Forchem / Vice Gar
dian doselbst / im predigstül / der zū verkündung got
tes wort vnd warheit aufgericht / gestanden / vnd ha
ben gesagt / man sol sich mit kerem an die newen Pro
pheten / die den Ablas in zweifel setzenn / aber vntüg
lich schätzen / dan die selben / seind verfürer des volcks
Dise brüder haben vns Wittēberger offentlich / vnd
rentlich / in ob angezeigter stelh / genant / vñ vor dem
hauffen Christlicher menschen / als solche Propheten
die Christo / sein tewr gewonnē volck / verlaiden / mit
starckem vnd freyem geschrey verurteilt.

Weil ich dan die zeyt doselbst gewest vnd tresselich
er verletzet vñ verleümbdt. Auch mich schuldig erken
der berümpften Vniuersitet Wittenbergk / eer / preiß /
lob vñ nutz / zū haltē / vnd nach vermüge zūuerdretē.

Wiewol ich ye vñ ye mich beflissen hab / gar wenig
oder nichts / gegē dem Ablas zūsagē / Doch dringen
mich die heiligē growen münich / vnd verkündē mir /
das ich still schweig / dan sie obgenante Vniuersitet /
der glidmaß ich bin / hochlich verletzten / vnd mich / zū
samt der Vniuersitet handeln / als sole ich / ein solch
er prophet sein / der das volck gottes / mit falscher leer
gar abziehe / vnd in einen affterglauben füre.

Nun geb ich eüwer yegklichē hie zū erkennē ob ich
schweigē dörf / die weil vns allē gebürt / wider bedrue

gische prophetē auffzūssen /schweig ich /so wirt /gras
vnd laub /holz vnd stein /hymel vñ erdtrich /im jūng
sten gericht gottes schreiben /vnd clagē /das ich mich
nit hab lassen leren /in sūnderheit / das ich / die schaf-
lin gottes /mütwillig durch falsche leer verleider.

Derhalben hab ichs von nöten geacht /eiling /obbe-
rūmpten brüder /zūuor an /dem vnuerdientē Gardi
an /zū fragen /ob der ablas /de iure diuino sey /das ist
ob die heilig schrift clar außsag /das der Ablas /nach
inhalt götlichs worts /etwas vermüg / vñ ob der selb
als ein mittel od zeichē /zū vergebung der sūnden / zū
suchen sey /das sol in diesem büchlin vñ dem heiligē bü
der gefragt werdē. Aber von irem rosenkrantz /vñ
hölzgerin boskaulen /welche sie an kleine täfelin vnd
kirchdürē hefften vnd paterlogia nennē /wil ich in ei-
nem andern büch schreiben.

Jetzt frage ich lieber brüder Seiler vnd bitt /wöl-
lest mir ein schrift anzeigē darauß ich lernē mög was
ablas sey. Vnd domit wir /nit zwo meinung / vnd ei-
nem wort /hien vnd her bewegē. Sol das ein grūnd
sein /durch die heilige schrift /verste ich kein and /dan
die der Biblien /als Canonica vnd Catholica von al-
len angenommē ist /darumb darffst du mir kein men-
schen gesetz fürwerffen /mich domit zū bindē. Der
ander grund ist /wir fragē hie nit /ob ablaß in der ge-
schrift gegrundet sey /der ewige schuld vñnd pein /ab-
nimpt /dan alle ablaßbullen /behalte zūuor /das ein
yeglicher /der ablaß teilhaftig sein will /der sol zū-
uor /rew vnd leyd /über sein sūnde gehabt vñ vergeb-
ung ewiger schuld vnd pein erlangt habē. Darüb-
beger ich von dir lernen /du wöllest mir /deinē ablaß
den du predigest /auß der schrift bewerē vnd war ma-
chē /das du ein rechter prophet seyest /der die warheit
ler vñ wir Witēberger wid dz wort gottes gepredigt.

Die vermeinte weisen prophetē/welche mit rōner
vnd plitz/wider vns Wittenberger brassen/sagē also
von dē ablaß. Ablaß nimpt nit ab/die ewige schuld
das ist/die sünd/dadurch einer gott ewigklich erzür-
net/vnd ewig straffleiden sol/bezalt auch nit vnuer-
gencklich pein vnd leidē. Dañ das kan gott allein
in seinem namē vnd wircklich/vñ kein creatur im hy-
melreich oder ertrich/darum̄ gott durch Esaiam im
xliij.c.spricht. Ich bin der/der die sünden vergibt/vñ
gedenck ir nicht mer/also vergibt gott/auf gnaden/
schuld vnd straff/der wegen auch geschriben. Als
offt der sūnder über seine sünd seuffzet/so oft werde
im sein mischat vergebē. Nim wañ gott die sünde
nit strafft/so vergisset er d sündē/also wirt ewig pein
vnd schuld allein durch gott gnedigklich abgenomē.

Ewig schuld vnd straff/so ein überfarer götlichs
gesetzes zū leidē schuldig seind zwey ding/welche d ab-
laß nit hinweg kan nemē wie dañ die barfüßer Mün-
che/durch Alexander Heilich vnd andere ablaß pre-
diger zūgebē vnd bekennē. Das drit ding/das ab-
laß hienweg nimpt ist bey den gemelten lerern vnder-
schieden. Dañ etliche sagen/das ablaß/die straff vñ
pein ableset/die d püester/dem einfeltigē schäflin auf-
leget/vnd darzū er den beichtson verpflichtet. Die sel-
bē pein/pflegen etliche beichtuetter/den sünden bald
nach getaner beicht/vñ vor der absolution vffzūsetzē

Aber etlich ablaß loben/sagē das ablaß/den man-
gel vnd gebrechen abnem/welchen einer hat/wañ er
sein büß oder pein/vnd gottes gebott/in kleiner liebe
erfüllet. Aber dise meinung/ist von wenig predigē an-
genommē/derhalbē ich zū der ersten opinion here.

Nim ein exēpel/von zeytlicher pein vnd büße/dar-
zū die münich/die beichtkinder verbindē/wañ du ge-
beicht hast/so spricht der beichtuatter/du solt zür wo

chen zwen tag fastē/ vnd er nēnet dir ein zeit lang/ od
du solt x. rosenkrenz bettē. od. iij. pfund wachs in ein
Kirchen gebē/ oder xx. messen im Barfüsser closter las
sen lesen/ vnd für ein yede messe drey creützer wert kü
chēspeise kauffen/ dan wir münich seind heiliger dan
welliche pfaffen/ wir geen auff holtschügē/ vñ trin
cken auß keinem zinnen geschir/ wie wir dan alle wis
sen/ das vnser beichtuätter eigennutz suchen/ vnd lo
ben ire heiligkeit/ wie ein kauffman/ sein war preiser/
so er gern gelt lösen wolt. Etliche beschärē die beicht
kinder mit gebew/ vnd anderen penen/ die sie zeitlich
straff oder peen nennen/ dero ich yetz geschweig/ do
mit ich den vnuerdienten Gardian aufferweck.

Endlich der Gardian vnd etlich sein Anhenger/
sprechē/ das der ablaß/ solche pen/ die der priester dem
beichtkind an hals hencke/ abpint/ vnd raten iren zū
hörern/ sie sollē sich/ die Wittēbergischē prophetē/ nit
lassen versirē/ vnd predigē offentlich/ der ablaß sey in
der heiligē schrifft gegrundet vñ begriffen. Ich wil
für mein kleinheit bekennen/ das vil grunde heiliger
schrifft noch nit angerürt/ ich schweig erlernet hab/
weiß auch wol/ das meiner gleichen nit wenig seind/
wölche die schrifft tag vnd nacht im hertzē betrachtē.
vnd doch den ablaß nit gefundē habē/ sonderlich die
Kleinachtung thün/ wie sie das gelt/ durch leerung/
den leüten auß irn beütel bringē. Weil aber obge
nanter brüder Seiler an statt gots/ vnd in dē stül do
man allein götlich warheit verkünden sol/ offentlich
gestandē vnd außgesagt/ die Wittēbergische prophe
ten sein gott vnd der schrifft/ wie obē berürt/ entgegē
vñ zū wider/ Hab ich durch zwen brüder Francisco
enbotten/ ich wöll im meinen grüß von Wittēbergē
zūschicken/ in meinung etwas von jm/ das mir noch
vnwissent/ zūbegreifen.

Das ist im gar vngesellig gewesen/derwegē hab
ich von stundē an sein vngelochrē stichling empfang
en. Vnder andern schreibe der Seiler also/Sol man
schweigen/wan etliche offenbarlich irren/auff das/
das volck verfür̄t vñ betrogē wirt/ Diser frage ant
wort der Seiler selbs/das sey ferr von vns/wir wöl
len nit hunde sein/die nit bellen können. Hat nicht
lieber brüder Francisee/mein doctor Martinus vil
mals begert er wolt sich gern/durch die schrifft lassen
weisen/ Des gleichen bin ich noch erpietig/ von einē
vngelernten kindlin zū lernē/das mich von irrumbē
abfür̄en vnd vnderrichtē mag/ich schweig/das mir
wider sein solt/von einem zū lernen/der ein seil xl. iar
vmb den nabel gegürt/vnd den Psalter außwendig
singen kan. Behüt mich der barmherzige gott/das
ich für̄serziglich/meinen grōsten feindt/ein irrische le
re eingebe/was darstu dann Seiler über die Wittē
bergisch/in gemein schreiben/als wider die ihene/die
durch irthumb das volck betriegen. Du zelest dich
mit den hunden der schrifft. Nū bistu nit ein schwir
mischer oder irrischer hund/den die hundsfliegē vnd
geltfangē beißen/so bille vnd schrey vns/ein geschrey
auß der heiligē schrifft/vnd leer mich/dan ich begere
auß hertzē zū wissen/das der ablaß de iure dinino ein
gesetzt/das ist in der heiligē schrifft eingeleibet sey.

Ich hoff auch/mein Seiler/du werdest mir ein da
pfere schützred schickē/dan du auff sant Annēberg ge
thon hast. Du sprachst/frage dein Senatores vnd so
werden sie dich berichten/ich mein du hettest bereyrt
die pfeiffen auß dem hunds maul verlorē/dan werest
du/ein hund gewesen/der bellē kan/du hettest on zwei
fel/mie der schrifft gebollē/du weistest mich aber zū do
ctor Eckē/der mir hochlich vordechtig / als einer der
selb nit vil kan/vñ mein feind ist/du hast gehört dz ich

ein schrift wil habē /ich hab kein zweifel/ dz vil Bapst
vnd vil münich vom ablaß geschribē /dañ wo es diens-
lich were /ich wolt dich wol in die schül fürē / aber ich
lerne teglich /das den Christē allē vñ yeglichē /er sey
Bapst / Bischoff /geistlich od weltlich / klein od groß /
hoch oder nyder /die heilig schrift / wie ein dryfelsiger
strick /den niemans zureissen kan /für gegeben / auß d
selbe verständige mich wol vnd recht / Was darffstu
mich zū menschen weisen /für vns in die schrift / lere
vns durch göttliche schrift.

Du sagest auch du wöllest sicherer sein / so du den
frißstapffen der altē vätter nachfolgest. Nie wolte
ich gern die selbe heilige vätter hōm / zūm andern dir
fürücken /das Augustinus geschribē /sprechēde. Ich
gebe allein /den schufften /die man Canonicas od Ca-
tholicas /das ist gemeinlich biblische genēt. Diß lob
vnd preis /das irer keiner geirret hab /vnd glaube /al-
les das sie sagē /ob ichs gleich nit verstee /oder alle an-
dere /sie sein heilig oder gelet /lese ich also / das ich sie
für menschē achte /die irrē künne /ich glaub auch inē
nit /das sie recht vñ wol geschribē /das sie also geschriben
vnd gemeint habē / es sey dañ /dz sie durch heilige
schrift od beweglich vsachē /ir bücher benestet habē.

Die rechten altvätter haben ein verdieß /dz ir bü-
cher /d heiligē schrift gleich gewirdiget werden /Wie
Augustinus sagt. Noli meis. Was darffst du nūn /
mit deinem Bonanētura / Schoto / Francisco Mar-
renis / Dorobellis vnd andern schuluättern groß ges-
chrey machē /müglich ist es /das sie alle geirret vnd
blindt gewest /vnd das /der in nachget / mit inē in die
grübē fall. Wiewol mir das alles von vnnōden zū sa-
gē /dañ ich beger noch /du wöllest mir schuffte bringē
da durch du vns Wittēberger /zū falschen propheten
kanst machē. Brüder Seyler der vmerdient Gar

dian. begegnet mir ferrer mit einer meisterlichē gegē
rede/dan er schreibt also. Ich zweifel nit/das der do:
ctor mer glaub/dan in den heilige büchern geschribē
ist. Ja lieber Seiler ich glaub/dz die Barfüß mü:
nich gern gelt habē/ob sie gelt nit antastē/das ist nit
geschriben in Biblien/es ist auch vermütlich zu glau:
ben/das sie in growen kappē hofferig/ vnd zūzeyten
gelt in holzschühen tragen/vmnd treten/das sie nit
dōssē angreifen/ich gebe dir nerrisch exēpel/vnd ein
questen/wie du ein bademan bist/hettest du dich vnd
lassen zu fragen/ob ich on vatter vnd mütter geborn
sey/so wolte ich dir auch fründlicher geantwurt habē

¶ Nun muß ich dich weiter füren/vnd dohien/do du
vngern ferest/ist es nit/das die Teufel glaubē vnd zi:
tern/es glauben auch vil holzschüher vñ hilffte sie nit
Ich glaub das Pareiß ein grosse statt ist/vnd glaub
das die Theologen etliche zu Louanien grob gefellē
seint/aber was dient vns solcher glaub. Kurtzlich
ich kan nit schweigē/das du zumal vngelert in d heili:
gen schrift bist/dan so du gewist hettest/was gesagt
ist/ich glaub d heilige schrift/od dē wort gots/du het:
test gewislich anders gebollē vñ geschriē. was aber d
glaub ist/will ich beistedig götlicher ingebüg/in kurz:
zem schreibē/im Büchlin vom glauben vnd wercken
des gerechte. Doch sol ein yeglicher Christglaubi:
ger wissen/das in disem fall/do wir vō handlelē/nem:
lich von vorheissung/das dem sündler schuldē vñ pein
vergeben vnd abgenommē soll werdē/das wir keine
wort oder geschriefften glauben sollē/dan gottes wort
oder schrift/darum spuch ich recht/ich glaub keiner
verheissung vnd vergebung der sündē/dan die in der
heilige Biblien außgerruckt od begriffen ist/got der
vergibt allein/in seinem namē/sündē/gott verheisset
auch allein vergebung d sündē. Es sol auch niemādt

am wort gottes zweifeln/auch soll ein ygklicher geist
durch gotliches wort/in gott hangē vnd klebē/ festig
lich glaubē/das er die creatur sey/der gott verheißt
vnd helfen wil/darumb sagt Christus zū zweien blin
den/müget ir glaubē/das ich euch sehēde machē kan
Also vō dem glaubē zū redē/sag ich fry/das ich keinē
andern wort/keiner andern schrifft/keinem anderen
Euangelio glaub/dañ das die heilige Bibel inhelt/
ich getraw auch keiner erlösung meiner sel. sie sy dañ
in der schrifft beschlossen. Hieremias spricht im. xvij.
capittel. Vermaledeyet ist/der in menschen glaubt/
hofft oder getruwet/vnd sein hertz vō gott abweicht.
darumb sollē wir allein göttlichen zusagungen glau
ben/getrawen/vnd annemē/wañ brüder Seiler ver
standen het/wie das wort gottes sol geprediget wer
den/so het er wol geschwigē. Dieweil sie dañ ablaß
ein verheißung/sunde od pein zū vergebē/nennen/so
müß vō notē ein Euāgelische verheißung sein/in der
heilige Bibliē begriffen. sunst sol niemants an ablaß
glaubē. Ferrer thenet der Seiler seinen strick/vñ
schreibet/ich solle jm/in dem Euangelio oder Paulo
weisen/das ablaß verbotten sey. Dise wort neme ich
mit bedingung an/das ich sie gebrauchē wil/wið den
vngelernten Seyler/mit einfürung/der Absolution
so von Christo beschehen seind. Aber dißmal sprech
das Moises/zū welchem Christus weiset/geschriben
hat/das man nicht/zū dem gesetg gottes henckē oder
setzen sol/man sol auch gar nichts da von nemē/so al
so ist die heilige Bibliē bezeünt vnd bewart/das der
in höchste vermaledeiung feller/der on das gegeben
Euangelii prediget/als Paulus ad Gala. j. schreibet
si quis preter id/quod nobis euangelizatū est. etc. er sa
get nit/welcher wider die güte vñ trostliche zusagug
gottes leret/der soll in die acht oder obersten ban ge

fallen sein/sonder er spricht also/welcher anders prediget. Wilt du nun ablaß loben/als ein zusag/vergebung der peyn oder der schuld/so ist dir/als einē prediger/von nöten/clar zu teüten/wo dein verheißung geschriben steet. Am letsten/verhonet mich brüder Seiler mit solcher frag. Sol man nit glauben/od in der kirchē thün/dan das in der heiligē schrifft geschriben ist/wie kumpt es/das man wasser vnd saltz weyhet. Auff disen gegewurff gehöret ein klein büchlin das will ich dem brüder auch bald schickē/vnd nennē vom geweyhetem wasser/wider brüder Seyler.

Das er aber meldet/man thū vil in der kirchē das in der schrifft nit angezeigt/gestee ich jm/als wie mā hund auß tagen sol/vnd die holzschüch vnd niderleider in der barfüßer sacristien ordēlich legen/vnd sich also zū der meß bereiten/man hilfft auch den kerzen das sie nit schmeltzē/vnd thüt der gleichē vil/das spotlich zū schreiben.

Das seint der/brüder Seilers helffred/ich hoffer werde nun hienfüran bessere leer an den tag bringen damit ich aber auch etwas von dem Ablaß sage/soll diser beschluß gesetzt sein.

Du solt auch wissen/Wann gott der herr/dem sündler/der sich bekert/sünd/schuld/vnnd peyn verzeihet vnd vergibt/dann so bleibet nit mer/das der mensch schuldig ist zū thün/dann das jhenige/daran vergebung der missethat vnd der sünde hanget vnd steet.

Das ist/wann der barmherzig gott dem menschē sünd nachlastet vnnd vergibet/so beleibet allein das/darinn vergebung der sunden steet/das mag kein Engel oder Beichtuatter abnennē/dann als bald der büßwircker/von dem selben abtritt/so kommen die sünd wider.

Wöcht yemants fragen/was ist das selbe/dē ver-
gebung der sünde/also innerlich vnd wesenlich einge-
bildet ist. Darzū antwurt ich/das ist/das vns Chri-
stus zū einer person gesagt/gang hien/vnd sünde nie-
mer/in dem steet vergebung vnd aufstiltgūg der sünd-
geen von bösem eigē willē/steet nit still/sonder gang/
vnd sündige nit. welcher in disem sententz bleibt wirt
on ablaß wol selig/dan in dem wesen sterbē sünde/vñ
lebet der geist/nim das wesen hienwegt/so wirstu se-
hē/od auß d̄ schrift lernē/dz vouige sünde wiß wach se.

Das hat vns Christus geleeret/durch das gekeret
haus/auß dē der teüfel veriagt/welcher wider kame
mit sybē bösern geistē. Darum alle/die/ablaß darzū
brauchē. das sie durch einigē weg od weise/solche wes-
sen/yerzt angezeigt geringer machē/die selben führen
den menschen in alte vnd new sünd.

Dises wesen ist nit anders/dan zū kere in gott. vñ
abkerung von sündē. Dife fruchtbare wort/begreifē
vil fruchtē/wie auch selige fruchtē vnd gaben gottes
geschehē/ist vns durch götlich wort/im. xviij. capitel
Ezechiel. eroffnet also. Vngütigkeit des vngerech-
ten/sol über jm sein/so aber der vngerecht büß thūt/
vnd berewet alle sein sünde/die er gethon/vnd bewa-
ret all mein gebott/vnd macht das vrtail vnd gerecht-
tigkeit so wirt er im leben bleiben/vnd nit sterbē. Alle
seine bosheitē die er gewircket. werde ich vergesse vñ
nit gedencē. Dife schrift ist clar vñ liecht/vñ leicht
lich zū lernē/erstlich spricht gott/das der vngütig vñ
vngheorsam in seiner schalckheit er sterbē sol/ewigkli-
che strafdarüb leidē. Darnach leret vns die schrift
wie vnd welcher massen der sunder von sünden abke-
ret/nemlich/so er büß thūt/sol er alle sein sünd bereü-
wen/vnd alles sein übel bewaren also. Du solt sün-
den mit scharffen vnd hizigen gedancē suchē vñ ver-

urteilē/dan̄ wiewol dem mensche vnmüglich ist/sein
hertz außzülernen/als Hiere. im. xvij. cap. sagt. Des
mensche hertz ist böß vnd vnergrünlich / keiner kan
sein böß hertz/gar außlernen/ee du dich bedenkst/so
hat dirs etwas übels geboirē. Dan̄ wiewol es vnmü-
glich ist/das d̄ mensch alle seine sünde er sinne. doch
sol er die misstheten/die er/auf fürsazē/gerhon/mit
grossen ernst vnd fleiß/für sein gestreng gericht vnd
vrtail tragē/die mit seufftzen/leid/widerwillen/ver-
driess vnd leiden beweinen/also kerest du von den sün-
den. wie Dauid spricht im. l. psal. Meine sünd ist stetz
oder allezeit wider mich. Ist die sünde wider dich. so
mustu widerum die sünd auch vernolgē vnd hassen.

Wann der mensch also von böshheit abkeret/so ist
gott also barmherzig/das er nit mer d̄ sündē geden-
cken wil/wie gott durch Esaia im. xliij. cap. geschri-
ben. Gedenk du deiner sünd/so wil ich ir nit geden-
cken. Ja in dem nün/wan̄ der sündler spricht/ich will
mein sünde/wider mich bekennen/als balde. vergib
im got die sünde/das hat got (wie yetz gehōrt) durch
Esa. verheissen/vnd Dauid bekant im. xxxj. psal. sa-
gende. Ich hab gesprochen/ich werde mein böshheit/
wider mich beichte/vnd du hast mein sünd verlassen
Der heilig sant Joānes schreibt also. Got ist getrew
vnd gerecht sünde zūnergebē/so wir sie bekēnen. Ni-
steet offentlich geschribē/das gott die sünd vergibt vñ
gedenckt ir auch nit mer/wan̄ sie d̄ mensch gedenckt/
wie dan̄ auch Ezech. jm. xxxij. capitel. geschriben.

Wie mages dan̄ gesein/das die kirchen/oder prela-
ten/der berewren sünde gedencken dürffen.

Ich weiß/das offentlich sünde/offentlich straff ha-
ben/aber ich wolte gern/durch schrift lernen/diweil
alle ablaß brieff/rew vñ leidt der sünd/wie ein grund
beuorfordern/warumb die Möniche/erdacht habē.

das die prelaten/der sünde gedenccken die gott verges-
sen hat/heißt nit das auff erden binden/das gott in
hymmeln auffgelöst. Item das/hie straffen vñ ge-
dencken/das gott dort vergebē vnd vergessen hat.

Es sey so güt vñnd schön als immer gesein kan/das
man heimliche sünd mit solchē straffen/wie mit saltz
einsaltz/dennoch wer seer güt/ja vil besser/das man
sich solcher bürdē mäßiget/vnd betrachtet/das Chri-
stus sagt. Wee euch/ir belestiget die menschē/mit vn-
träglichē bürdē/die ir selber nit anrühret.

Nun laß ichs wol geschehen/das man heimliche
sünd einsaltze mit zeytlichen straffen/die ablaß abnis-
met. Ich weiß aber nit/was ich sagē sol zu dē wort
gottes. Esaias. am. xxix. capitel. Sie haben mich
geföcht mit menschen gebotten vnd leren.

Gott will sich nit loben lassen/od das in der mēsch
mit menschen gesezē förchte/dann gott verachtet vn-
sere geseze/ja er verderbt aller weisen kunst/vnd sas-
get vsachen/das menschen gesezen/allein angē vñ
maul erfüllen/aber das hertz/machen sie gott fern/
vnd frembd von got/wie in gemeltem capitel Esai-
steet. *Appropinquat populus iste ore suo et labijs suis
glorificat me/cor autem longe est a me/et timuerunt
me mandato et doctrinis hominum ic.*

Es ist gott auch schimpflich/das er ein vngenüg-
sam gesez vnd leer geben hett/wann vns nit alles/
das wir thün sollen/in seynem gesez angezeigt wer.

Beschließlich ich bitt brüder Seyler er woll Esai-
am vnd andere Propheten wol ansehen/vñnd wolle
mich/des durch heilige schrifft berichten/oder verstē-
digen/das etwas von den beychnättern/den beicht-
künden auffzulegen sey das ablaß vergebē.

Wirt er aber kein schrifft bringē/so mag ich nichts
von dem ablaß halten.

Man kan mir auch kein Bann/ deshalbenn auff den hals legen oder werffen.

Ich kan auch sagen/ Ablass ist auß menschen gedencken entsprossen/ hüt dich vor den ersten. Das sag ich alles on freuel/ dann ich beger zü lernen / das ich nit irre mit ablass.

Das ist von der abkerung von sündē gesagt / das gott nit gedencet der sünde / die der mensch neidet vñ hasset / vnd verfolget das ist die er berewet. Nachuolgende wöllen wir von der zükerung reden / wie sich der sündler an gott keret / vnd in wölicher massen / in gott klebet / vnd im anhengig bleib.

In dem xvij. cap. Ezechielis. Da ich einschiffte oben erzelt / also lautende. So der vngütig / alle sein sünden berewet / vñ bewart alle mein gebott / vnd übet sich in dem vrtail vñ gerechtigkeit / so will ich keiner mißthat / noch keines übels gedencken.

Dis ist ein trösslliche gottes züfagng / do durch die warhafftige züker angezeiget ist / vnd lauter gesagt / was / nach vergebung der sünde / der sündler thun vñ wircken sol. ¶ Gott füret den sündler / nit zü menschen gesetzen / sonder in sein göttliche gebott vnd verheissung / er spricht / wann der sündler alle mein gebott behütet / vnd thut das vrtail vñ gerechtigkeit / darumb ist es gar nicht von nöten / Das der absolnierte beichtsin / sich an menschen gebott vnd trost ker / wie güt sie immer gesein mügen / dann gott liebet / das er machet / vnd zeücht vns an sein wort vnd veracht vñ ser gesetz. Soll nün der mensch alle gebott bewaren / so muß er sie wol lernen / wann er dann begert / die gebott / des lebens zü wissen / spricht Christus / du sagst / welche gebott zü dem rechten leben weisen / ich frage dich / was ist im gesetz geschriben / also füret gott den menschen in götlich gebott / darumb ist von nöte / dz

sich der sündler / mit höchst vleiß / auff die schrift leg /
vnd hencke sich festiglich an götliche zusagung vnd
geen in allen gebott gottes / er muß das creüz Chri
sti / darinn alle gebott vnd weißheit / so zum leben die
nen / behalten sein / auff sich nemen / vnd seinen willē /
aus dem creüz schöpfen. Der sündler lernet in der
schrift / wie er sich neiden vnd hassen / wie er sich ver
leügnen sol / wie er das creüz teglich tragen / vñ chri
sto nachfolgen soll / wie in dem menschen nicht gütes
eytel verlust / vñ alles güte / vnd alle hilf / von gott ge
nediglich abgefleüßet. Also kumpt er in ein gerecht
warhaftig vrtail vnd gerechtigkeit / vnd also dritt er
in der weise / in alle gebott gottes / vnd in eüsserliche
vnd innerliche werck / er macht jm mit eigen gesetze /
sonder er betracht / wie er augenplicklich vnd zu alle
zeyten / götlichen willen / annem vnd erfüll / der dan
manigfeltige in allen augenplickten fürfelleet.

Erwan rüffet er gott an / erwan lobet er gott als
seinen erlöser / erwan bekēnet er gottes gerechtigkeit
in wißwertigkeit / sprechēde. Du bist der gerecht gor.
vnd hast alles wee vnd übel / in deinē gerechten vrtail
über vns geführt / dir sey glory vnd lob / vns schand vñ
spott. Darzu hat er lieb / trost / glaubē / vñ hofnüg
zu gott. Er hütet sich vor argwenigkeit / er vrtailt kei
nen zum argstē / aber sich vrtailt er mit ernst. Also ist
er gerecht bey jm / vñ dē nechstē. Zūzeyten steet er
bey den waisen vñ wittwē. Zūzeitē kleidet er die blös
sen. Zūzeitē speiset er die hungerigē. Zūzeitē besüchet
er die gefangē. Zūzeiten fast er / wan jm vnglück für
felleet. Zūzeiten bettet er / alles nach gelegēheit vñ er
forderung der zeiten / stendē vñ personē. Dise werck
wachsen auß dē edlē baum des creüz Christi / das ein
yeglicher alle tag tragē sol / das creüz sol niemants
vñ gelt od ablaß ablegē.

Est aber einer/der sprechē darff/das creütz magst
du mit ablas mindern/8 ist gewißlich ein spottischer
iud/vor dem creütz Christi steende vnd sprechēde. Bist
du ein sün gottes/so steig vom creütz/aber lieber gsel
welcher absteiget/der kumpt auß dē gebort Gottes/
verleürt vrtail vnd gerechtigkeit vnd vertirbet ewig-
lich. Endlich muß der büßwircker ein vndseheyt
zwischen den gebortē gottes habē/bewegē/das Chri-
stus zu dem gleißner sagt Mat. xxiij. Wee euch Pha-
riseiern/ir gebent den zehēd/vō anet vnd thil/vñ hin-
derlassent/die grōßte ding/des gesezes.nemlich/das
vrtail (von dem ich in der anfleung eines wāges ge-
schribē) vnd barmherzigkeit/lieb vnd glaubē. Man
muß auch warnemē ob dich gott mit grossen o8 klei-
nen wercken besucht/das man mit dem geringe oblig
vnd nachlaß das grōste vnd merer. Es ist ein loblich
werck gesse fr̄untlich handelē/aber vil loblicher ist d3
wort gottes geistlich zū hörē. Nach dem/wir auß dē
Euāgelio lesen das Christus gesagt. Maria hat den
besten teil erwōlt/der sol nit von ir genomē werdē.
Maria saß bey den füßen Christi vñ horet seine wort.
Martha die was sorgfeltig/bereyt fewr/vnd kuchen
speiß vnd gedrenck/domit sie den hern nerē wolt/das
was ein güt werck/aber do sie Maria ire schwester/
von zühörung vnd lernung des wort gottes abziehen
wolt/sprach Christus. Maria hatt ein besser theil er-
welt/darum sol sie nit verhindert werden/aber/das
groß nachlassen/vnd das klein vollbringen. Das ist
dohien geredt das ein yeglicher Christ vleissig lernē
sol/der gebott vnd werck gottes vnderscheidt/vnd so
in gott in grosse gebott binget/sol er nit/auß eigē wil-
len/abfallē/vnd dem kleinen nachfolgē/dan die gros-
sen werck müssen geschēhē/vnd kleine sollen nit über-
bleibē/so die grossen vollendet sein. Paulus spricht/

er wöll vil lieber fünff/oder etliche wort/im verstant
vnd geist/in der kirchen sagen/oder betten/dan fünf
hundert versickel on verstandt lesen/wie dan vil müs
nich thun/die den psalter wie die nunnen singē.

Begibte sichs dan/das ich etwar in ein erkantnuß
eines psalmē oder geschriffte kumm/dem soll ich zuuor
nach suchen/vnd mein lang pfaffengebott auffziehē.
Dieweil vns nūn gott/zū dem grossen gebott/vor al
len verpflichtiget/vnd am tag ist/das gottes gebott
mer vnd grösser seint/dan menschen gesetz/so sol vns
ye kein menschlich trost oder verheissung von gottlī
chen gebotten/verhindern/wie mag mir dan ablas
fasten/oder betten/darzu mich gott/durch verfolg
ung/reyset vnd füret/abnemen. Derhalbē ist aber
mals mein begerunge/ Brüder Seyter/wölle mich
durch die schriffte leren/das ablas de iure diuino sey/
das ist/in der schriffte gegründet/dieweil nicht bleybt
im sūnder dem gott sūnde vergeben hatt/dann das d
vergebung wesentlich eingeleibt ist/vnd zū dem gote
verpflichtet/vn on welches kein außtilgung/der sūn
den/geschicht. Wo aber der Seyler ein menschen
strick mir fürwerffen will/so werde ich sagen/ich bin
ein christ/vn frag dich von göttlichem willē/ob gott
ablas ye hat wölle habē/das solt du auß der schriffte
darin götlicher wil scheint/vnderweisen. Dis ha
be ich kürzlich vmb visachē/oben vermeldet/gezwei
felt von dem ablas/vnd dich erinnert/als einen der
Biblien tag vn nacht frisset/vnd außbillet. Wiewol
ich dich nit so gelert acht/als kōdest du diser sach ge
nüg thun/dennocht veracht ich nit die grohen flöhe/
die weisse schild auffirm rücl führen/du hast zusamt
erglichen deinen bründern/mich vnd die glidmaß diser
Vnnersitret als falschē vnd new Wittēbergische pro
pheten/offenlich gescholtē/nūn ūbe weiß/das durch

schuffte vnd gebe mir nit holzschüch für haselhüner/
nym alle dein holzschüch brüder zühilff/vnd helffers
helffer/vnd leer mich/das der ablas in der schrift bes
wert ist. Du wirst mich velleicht mit etlichen hysto
rien anfallen/als mit der/von Ezechias. ij. Paral.
xxxij. Ober den gottes zorn nit kam im leben/vnd der
von David. ij. Reg. ij. das gott David/sein sünd ver
gab/vnd sterbet doch seinen sün/Auß gemelten hysto
rien/brechen etlich ein künstlich behelffred/vnd spre
chen/das etwas im sündler bleib/als ein straf/die der
mensch leiden muß/nach erlangter vergebung d sün
de/vnd sagen das solliche bleibende straff/durch den
ablaß abgetauft mag werden.

Diweil aber ir schütz wort dunckel ist/vnnd noch
nit den ablaß beweret/wil ich warten was Brüder
Seyley/darauß flechtē kan/den ich bit/er wöll bald
hilffsuchen/vnd antworten/domit ich etwas von im
erlernen müß/dan ich erbiet mich den ablas groß zū
machen/so er in der schrift gezeigt würd/wo aber ich
also vngelert bleib/kan man mir einfeltigen nit ver
weissen vnd verkeren/so ich sagē würd/ich mein/das
ablas ein erdicht ding sey/do mit die leüt von gelt vñ
gütern wercken/in ein böse meinung verführet werde/
das ich nit reden wil/so ich erberlich gelernet werde/
Verz zū güter nacht/ich wil dir Wasser vnd saltz schi
cken. Datum eilends Wittenbergk Laurentij. In
dem Fünffzehnhundertsten vnd zwenzigstē jar.

Ich wil hiemit die andere Brüder Barfüßer or
dens/dero ser vil/vast wol/sich in die heilige schrift le
gen/nit angegriffen hab/in sünd/die/den holzschü
gern in geberden vngleich seind/wollē sie aber mich
ye haben/alhie bin ich.

S J N J S

1857914

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]